

ШАРТНОМА № 10/2022п
(лойиха-смета ҳужжатларини тайёрлаш тўғрисида)

“28” Январь 2022 йил

Тошкент шаҳри

Хоразм давлат ўрмон хўжалиги номидан Низом асосида иш юритувчи директори **Х.Худойберганов** бир томондан, кейинги ўринларда “**Буюртмачи**” деб юритилади ва “**Ўрмонлойиха**” лойихалаш институти номидан Низом асосида иш юритувчи директор **Р.Р.Абдиримов**, кейинги ўринларда “**Лойихачи**” деб юритилади, иккинчи томондан, мазкур шартномани туздилар:

I. ШАРТНОМА МАВЗУСИ

1.1. Ўзбекистон Республикаси Вазирлар Маҳкамасининг 2022 йил 18 январдаги “Орол денгизининг суви қуриган тубида ва Оролбўйи ҳудудларида “яшил қопламалар” – химоя ўрмонзорлари барпо этишнинг қўшимча чора-тадбирлари тўғрисида”ги 31-сонли қарорининг 1-иловасига асосан **Лойихачи, Хоразм вилояти Тупроққалъа туманидаги 10000 гектар ерларда “яшил қопламалар” барпо этиш бўйича лойиха-смета ҳужжатларини тайёрлаш ишларини бажаради ҳамда уларни давлат экспертизасидан ўтказди.**

1.2. **Буюртмачи** ўз навбатида **Лойихачи** билан Ўзбекистон Республикаси Вазирлар Маҳкамасининг 2019 йил 15 февралдаги “Орол денгизи тубидаги суви қуриган ҳудудларда “яшил қопламалар”- химоя ўрмонзорлари барпо этишни жадаллаштириш чора-тадбирлари тўғрисида”ги 132-сонли қарорида “Ўрмонлойиха” лойихалаш институти бош лойихачи этиб белгиланганлиги сабабли давлат буюртмачиси сифатида тўғридан тўғри шартномалар тузиб, қонуний тартибдаги тўловларни амалга оширади.

II. ЛОЙИХА-СМЕТА ИШЛАРИНИНГ ҚИЙМАТИ

2.1. Шартноманинг умумий қиймати **111 697 521 (Бир юз ўн бир миллион олти юз тўқсон етти минг беш юз йигирма бир)** сўм миқдорида белгиланди (Ўзбекистон Республикаси Қурилиш вазирининг 19.08.2019 йилдаги 396-сонли буйруғи билан тасдиқланган “Лойиха-тадқиқот ишлари қийматини аниқлаш тартиби тўғрисидаги Низомининг 3-иловасига асосан қурилиш умумий қийматининг 4,4%).

2.2. **Буюртмачи** мазкур шартнома бўйича **Лойихачига** шартнома умумий қийматининг **30%** миқдорида бўнак тўлаб беради. Сумманинг 70% ишлар бажарилиб, икки томонлама имзоланган бажарилган ишлар тўғрисидаги далолатнома асосида тўлаб берилади.

2.3. Смета ҳужжатлари юзасидан давлат экспертизасининг хулосасида кўрсатилган **Буюртмачининг** харажатлари ичида лойиха-смета ишларининг салмоғига қараб мазкур шартноманинг якуний суммаси кўпайиш ёки камайиш томонга ўзгариши мумкин. Бу ҳақда қўшимча келишув тузилади ва у мазкур шартноманинг ажралмас қисми ҳисобланади.

III. ТОМОНЛАРИНИНГ МАЖБУРИЯТЛАРИ

3.1. **Лойихачи** мазкур шартноманинг 1.1. бандида назарда тутилган барча ишларни бажариб, тегишли 4.1. бандда кўрсатилган муддатларда ҳужжатларни **Буюртмачига** топширади.

3.2. **Буюртмачи** **Лойихачига** тегишли ҳужжатларни бериш, молиялаштириш жадвалига биноан бўнак бериш ва тўлиқ молиялаштиришни амалга оширишни ўз зиммасига олади.

IV. ИШЛАРНИ БАЖАРИШ МУДДАТЛАРИ

4.1. Ишларни бажариш муддати объект бўйича шартнома имзоланиб, 30% бўнак тушган кундан эътиборан 60 иш кунини ташкил этади.

4.2. Шартнома **31.12.2022** йилгача амал қилади.

V. ФОРС-МАЖОР

5.1. Агар ушбу шартнома бўйича мажбуриятлар қисман ёки тўлиқ бажарилмаслиги табиат ҳодисалари ва бошқа енгиб бўлмайдиган куч таъсири натижасида келиб чиқса ва бу ҳолатлар мазкур шартноманинг бажарилишига бевосита таъсир этса, томонлар шартнома шартларини қисман ёки тўлиқ бажара олмаса жавобгарликдан озод этиладилар.

Мазкур шартнома бўйича мажбуриятларни бажариш муддати енгиб бўлмайдиган фавқулодда ҳолатлар юзага келган даврга мутаносиб равишда узайтирилади.

5.2. Агар енгиб бўлмайдиган куч ҳолатлари ёки уларнинг оқибатлари бир ойдан ортиқ даврга чўзилса, у ҳолда **Лойихачи** ва **Буюртмачи** ишларни давом эттириш ёки уларни консервация қилиш учун қандай чоралар кўрилиши масаласини ўзаро ҳал этадилар.

VI. ТОМОНЛАРНИНГ МУЛКИЙ ЖАВОБГАРЛИГИ

6.1. Томонлардан бири шартнома мажбуриятларини бажармаган ёки зарур даражада бажармаган тақдирда айбдор томон иккинчи томонга етказилган зарарларни қоплайди.

6.2. Мазкур шартномага тегишли иловаларда кўрсатилган ўз мажбуриятларига риоя қилмаганлиги, ўз вақтида молиялаштирмаганлиги ва шартномада белгиланган бошқа мажбуриятларни бузганлиги учун айбдор томон кечиктирилган ҳар бир кун учун мажбуриятларнинг бажарилмаган қисмининг 0,01 фоизи миқдорида пеня тўлайди, бунда пенянинг умумий суммаси бажарилмаган ишлар ёки кўрсатилмаган хизматлар қийматининг 10 фоизидан ошмаслиги лозим.

VII. НИЗОЛАРНИ ҲАЛ ЭТИШ ТАРТИБИ

7.1. Шартномани бажаришда ва бекор қилишда, шунингдек етказилган зарарларни қоплашда вужудга келадиган низоли масалаларни томонлар ҳал этолмаса, улар қонун ҳужжатларида белгиланган тартибда Тошкент шаҳар туманлараро иқтисодий суди томонидан кўриб чиқиладди.

XV. ТОМОНЛАРНИНГ БАНК РЕКВИЗИТЛАРИ ВА ЮРИДИК МАНЗИЛЛАРИ:

БУЮРТМАЧИ:

Хоразм давлат ўрмон хўжалиги

Манзил: Урганч шаҳар, Хонқа кўчаси
123-уй СТИР: 200408996

Молия Вазирлиги Ғазначилиги

Банк: Тошкент шаҳар Марказий банк
ХККМ

СТИР: 201122919, МФО: 00014

Х/Р: 23402000300100001010

ШХР

2021: 400121860334017042203142001

Директор  **Р.Р. Абдиримов**

Юрист: 



ЛОЙИХАЧИ:

“ЎРМОНЛОЙИХА”


лойихалаш институти

Манзил: Тошкент шаҳар Мирзо
Улуғбек тумани Дўрмон йўли кўчаси
2а-уй

х/р: 2021 0000 0001 3591 3001

Банк: АТБ “Халқ банки” Чилонзор
филиали МФО: 00 825

СТИР: 200993294 ОКЭД: 02 400

Директор  **Р.Р. Абдиримов**

